



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-238-4/21**
Datum: **16.08.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica «IRADIA COMPANY» d.o.o. Laktaši za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme matičnih jata kokošaka u naselju Pribava, grad Gračanica, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Pravnom licu, «IRADIA COMPANY» d.o.o. Laktaši daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme matičnih jata kokošaka izgrađenog u naselju Pribava, na zemljištu označenom kao k.č. broj: 508 K.O. Donja Lohinja-Pribava, grad Gračanica.
2. Vodna dozvola se daje na osnovu pregleda dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog objekta farme vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
 - 2.3. Da se objekti koji su se ranije koristili u svrhu prikupljanja otpadnih voda (upojni/zemljani kanali za prihvatanje onečišćenih voda nastalih pranjem objekata i opreme nakon završenog turnusa) redovno održavaju u potpunosti zatrpaju i ozelene.
 - 2.4. Da se redovno kontroliše stanje ispusta iz objekata koji su ranije korišteni prilikom pranja objekata i opreme a nakon završenog turnusa – isti moraju biti potpuno blindirani.
 - 2.5. Da se privremeno i trajno zbrinjavanje otpada od uginulih pilića i drugih nusproizvoda vrši u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
 - 2.6. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada farme, u vodotoke i na obale rijeka, odnosno na zemljišne čestice označene kao «vodno dobro».
 - 2.7. Vlasnik odnosno korisnik objekta je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama («Službene novine Federacije BiH», broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.

6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, «IRADIA COMPANY» d.o.o. Laktaši dana 27.05.2021. godine podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme matičnih jata kokošaka izgrađenog u naselju Pribava, na zemljištu označenom kao k.č. broj: 508 K.O. Donja Lohinja-Pribava, grad Gračanica.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o sudskoj registraciji broj: 057-0-Reg-11-001532 izdatog dana 28.07.2011. godine od strane Okružnog privrednog suda Banja Luka,
- Ovjerena kopija Uvjerenja o registraciji/upisu u jedinstveni registar obveznika indirektnih poreza broj: 04/1-UPP/1-2494/07 izdatog dana 01.08.2007. godine od strane Uprave za indirektno-neizravno oporezivanje Banja Luka,
- Ovjerena kopija potvrde o registraciji broj: 02/08/0801-455-1.18/02 izdate dana 05.02.2002. godine od strane Poreske uprave – Ministarstvo finansija RS,
- Kopija Rješenja o odobrenju gradnje broj: 07-361-470 izdatog dana 31.07.1980. godine od strane Komisije za urbanizam, stambeno-komunalne i imovinsko-pravne poslove Skupštine opštine Gračanica,
- Kopija Rješenja o odobrenju gradnje broj: 02-361-824 izdatog dana 10.09.1990. godine od strane Odjeljenja za urbanizam, građevinarstvo, stambeno i komunalne poslove Opština Gračanica,
- Kopija Rješenja o upotrebi objekta broj: 07-361-655/3 izdatog dana 16.06.1982. godine od strane Komisije za urbanizam, stambeno-komunalne, imovinsko-pravne i geodetske poslove Skupštine opštine Gračanica,
- Kopija Rješenja o okolinskoj dozvoli broj: UP-I 05/2-23-11-219/19 FM izdatog dana 24.02.2021. godine od strane Federalnog ministarstva okoliša Sarajevo,
- Kopija Rješenja o vodnoj dozvoli broj: UP-I/25-2-40-378-4/15 izdatog dana 19.10.2015. godine od strane «Agencije za vodno područje rijeke Save» Sarajevo,
- Kopija Rješenja o vodnoj dozvoli za korištenje vode i ispuštanje sanitarno fekalnih voda broj: 04/1-13-25-33225/15 izdatog dana 16.03.2016. godine od strane Ministarstva poljoprivrede, šumarstva i vodoprivrede Tuzlanskog kantona,
- Kopija Ugovora o prevozu đubriva sa farmi Pribava i Doborovci zaključenog dana 01.09.2020. godine sa Veljkom Lazarevićem iz Karanovaca - Petrovo,
- Glavni projekat – vanjske hidroinstalacije: Izvedeno stanje sa dopunom za Kompleks objekata farme matičnih jata kokošaka Pribava Donja Lohinja, općina Gračanica šifra: 44-IB-G/21, juni 2021. godine urađen od strane «IBIS» d.o.o. Zavidovići (na uvid),
- Izvještaj o izvršenoj kontroli tehničke dokumentacije urađen od strane «HKP CONSULTING» d.o.o. Banja Luka (na uvid),
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20), izvršen je obilazak predmetne farme u naselju Pribava, grad Gračanica i tom prilikom je sačinjen Zapisnik o uviđaju broj: UP-I/25-3-40-238-4-3/21 od 12.08.2021. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Kompleks objekata Farme matičnih jata kokošaka «PRIBAVA» izgrađen je u urbanom dijelu naselja Pribava, grad Gračanica neposredno uz Tunjevački potok. Kompleks čini šest prizemnih objekata u kojima se vrši uzgoj roditeljskih parova i proizvodnja jaja. Uz svaki objekat je instaliran silos za hranu. U sklopu kompleksa izgrađen je administrativni objekat sa kancelarijskim prostorom i sanitarnim čvorom za potrebe uposlenih.
- Kapacitet farme je oko 45.000 teške linije za odgoj ili 36.000 za proizvodnju rasplodnih jaja.
- Nakon završenog ciklusa uzgoja (9 mjeseci) objekti farme se čiste suhim postupkom bez korištenja vode. Nakon mehaničkog čišćenja i krećenja (živim krečom) zidova i podova vrši se suho pranje uz korištenje NaOH a potom dezinfekcija objekata i opreme. Nakon biološkog odmora unosi se nova stelja u objekte a potom se radi plinjenje formaldehidom. Po završetku plinjenja objekti se zatvaraju i zaključavaju min 72 sata.
- Ranije korišteni ispusti otpadnih voda iz objekata farme su blindirani tako da su upojni/zemljani kanali locirani između objekata koji su služili za prihvatanje onečišćenih voda nastalih pranjem objekata farme a nakon završenog ciklusa uzgoja, djelimično zatrpani i humuzirani. Isti više neće biti korišteni u svrhu prihvata i procjeđivanja otpadnih voda u podzemlje.
- Snabdijevanje sanitarnom vodom i vodom za potrebe hidrantske mreže obezbijedeno je sa vlastitog vodovodnog sistema (bunar i rezervoar izgrađeni u neposrednoj blizini objekata farme) i priključkom na gradsku vodovodnu mrežu (priloženo Rješenje o vodnoj dozvoli za korištenje vode – gradski vodovodni sistem i vodozahvat bunarskog tipa izdato od strane Ministarstva poljoprivrede, šumarstva i vodoprivrede Tuzlanskog kantona).
- Sanitarno-fekalne vode iz sanitarnog čvora se prikupljaju zasebnom kanalizacionom mrežom i odvođe u septičku jamu.
- Oborinske vode sa krovova objekata se prikupljaju sistemom oluka i ispuštaju na okolni teren.
- Za predmetni kompleks objekata farme izdato je Rješenje o okolinskoj dozvoli od strane nadležnog Federalnog ministarstva okoliša.
- Kruti otpad (prostirka) i đubrivo se nakon završenog turnusa odvoze na poljoprivredne površine u skladu sa Ugovorom zaključenim sa privatnim licem iz naselja Karanovci-Petrovo.
- U krugu farme postavljen je kontejner za animalni otpad.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 115. - 118. Zakona o vodama i članova 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je pravno lice, «IRADIA COMPANY» d.o.o. Laktaši, ispunilo minimum uslova za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme matičnih jata kokošaka izgrađenog u naselju Pribava, grad Gračanica te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-I/25-3-40-238-2/21 od 08.07.2021. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih akata


Haris Alisehović, dipl.ing.građ.

Dostaviti:

- «IRADIA COMPANY» d.o.o. Laktaši
ul Branka Ćopića br 2, 78250 Laktaši
- AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava